

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14), Pravilnika o postupku direktnog sporazuma („Sl. glasnik BiH“, broj 90/14), Pravilnika o postupku direktnog sporazuma J.U. Zavoda za javno zdravstvo Kantona Sarajevo i na osnovu Odluke o prihvatanju cijene ponuđača broj: 05.12.101-1723–Odluka o prihvatanju cijene/20 od 13.04.2020.godine, zaključuju slijedeće:

**J.U. ZAVOD ZA JAVNO ZDRAVSTVO KANTONA SARAJEVO**, ulica Dr.Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa direktorica: Prof.dr.med.sci. Aida Pilav, (u daljem tekstu: **Naručilac** posla)

i

**„Fixit“ d.o.o. Sarajevo**, ul. Zaima Šarca br.34, identifikacioni broj: 4202048930006, koga zastupa direktor: Damjan Bandić, (u daljem tekstu: **Izvršilac** posla), zaključili su:

## **UGOVOR O VRŠENJU USLUGA ODRŽAVANJE RAČUNARA I IT INFRASTRUKTURE**

### **Član 1.**

Ovim Ugovorm se utvrđuje način i uslovi pod kojima **„Fixit“ d.o.o. Sarajevo**, sukcesivno vrši usluge održavanja računara i IT infrastrukture i ostale usluge po narudžbi i potrebi, za potrebe **Naručioca** posla, sve prema ponudi **Izvršioca** broj: 090420-DB 001.

### **Član 2.**

Predmet ovog Ugovora je sukcesivno održavanje i rješavanje problema na računarima, printerima, skenerima i mrežnoj opremi, kao i ostale usluge po narudžbi i potrebi - za potrebe **Naručioca** posla (u daljem tekstu: usluge) u periodu od jedne godine, u vrijednosti do 4.000,00 KM bez PDV-a, a prema cijenama koje je **Izvršilac** ponudio u Obrascu za cijenu ponude, koji je sastavio dio ovog Ugovora.

### **Član 3.**

**Izvršilac** se obavezuje da cijene navedene u ponudi neće mijenjati u periodu od jedne godine od dana zaključivanja ovog Ugovora.

### **Član 4.**

Plaćanje usluga se vrši po fakturi **Izvršioca**, nakon što je usluga izvršena. Plaćanje iz prethodnog stava vrši se u roku od 30 (trideset) dana od dana ispostavljanja fakture. Plaćanje se vrši na transakcijski račun naveden u fakturi.

### **Član 5.**

Obaveze **izvršioca** su:

- Pružiti brzu, stručnu i profesionalnu uslugu;
- Kvalitetan rad i primjena najboljih raspoloživih znanja i vještina;
- Da će se odazvati na poziv za intervenciju u roku od dva (2) sata;
- Da će usluge vršiti savjesno i u skladu sa dogovorom sa **Naručiocem** posla. **Izvršilac** će svojim profesionalnim pristupom i savjesnošću učiniti sve što je u njegovoj moći da održi ugovorene rokove. **Izvršilac** će pismenim putem izvjestiti **Naručioca** ukoliko dođe do naizbježnih pomicanja rokova i **Naručilac** će pristati na takva blaga odstupanja u razumnom roku. Za vrijeme tog razumnog roka **Izvršioca** neće teretiti nikakva odgovornost za pomicanje rokova;

- Da će održavanje računara i IT infrastrukture vršiti na lokaciji koju odredi Naručilac, a u slučaju potrebe da se popravka vrši na drugoj lokaciji Izvršilac je obavezan izvršiti sve radnje na pripremi, transportu, vraćanju i puštanju u rad računarske opreme nakon popravke;
- Da će o izvršenim popravkama dostaviti ovjeren izvještaj o izvršenim uslugama.

#### Član 6.

Naručilac posla se obavezuje obezbijediti nesmetan pristup lokaciji u svrhu dijagnostike i popravke.

Ugovorne strane su se sporazumjele da će imenovati osobe zadužene za realizaciju ovog Ugovora.

#### Član 7.

Ugovorne strane mogu otkazati ovaj Ugovor pismenim putem.

Ugovor se smatra otkazanim u roku od 15 dana od dana prijema pismenog Obavještenja o otkazu Ugovora.

#### Član 8.

Svaka promjena ugovornih odredbi povlači za sobom sačinjavanje posebnog Anexa Ugovora. Do potpisivanja Anexa Ugovora obustavlja se izvršenje ugovornih obaveza.

#### Član 9.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz ma kog razloga, to ne budu moguće, za rješenje spora mjesno je nadležan Općinski sud u Sarajevu.

#### Član 10.

Ovaj Ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

#### Član 11.

Ovaj Ugovor smatra se zaključenim danom potpisivanja Ugovornih strana.

„Fixit“ d.o.o.  
Sarajevo  
DIREKTOR

  
FIXIT d.o.o. Sarajevo  
(Damjan Bandić)

Broj: 342/2  
Sarajevo, 30.04.2020

J.U. ZAVOD ZA JAVNO ZDRAVSTVO  
KANTONA SARAJEVO  
DIREKTORICA

  
(Prof.dr.med.sci. Aida Pilav)

Broj: 05.12.101-1723-Ugovor/20  
Sarajevo, 13.04.2020. godine